

Mohd Amirul Kasyful Nur bin Zulkifli

From: Unit Komunikasi Korporat
Sent: Thursday, August 24, 2017 2:37 PM
To: UUM - All Staff; UUM - All Students
Cc: Staf - Pesara UUM
Subject: Semangat Patriotik Bukan Sahaja Pertahan Negara, Malah Universiti



Unit Komunikasi Korporat
CORPORATE COMMUNICATION UNIT
Universiti Utara Malaysia



24 OGOS 2017 / 02 ZULHIJAH 1438H

=====

"UUM : UNIVERSITI PENGURUSAN TERKEMUKA"
(*THE EMINENT MANAGEMENT UNIVERSITY*)

Oleh: Nordiana Shafiee

Gambar oleh: Seksyen Fotografi

SEMANGAT PATRIOTIK BUKAN SAHAJA PERTAHAN NEGARA, MALAH UNIVERSITI



UUM ONLINE: Warga Universiti Utara Malaysia (UUM) diingatkan untuk terus memiliki semangat patriotik yang bukan sahaja demi mempertahankan tanah air, malah universiti juga.

Menurut Naib Canselor, Prof Dato' Seri Dr Mohamed Mustafa Ishak, negara ini terlalu indah dan penting serta mempunyai satu sentuhan penting kepada rakyat yang mana Malaysia merupakan tempat seluruh rakyat membina kehidupan.

Sehubungan itu, katanya, rakyat negara ini perlu memastikan negara terus merdeka dan berdaulat untuk generasi akan datang, malah rakyat kini juga tidak boleh mengambil manfaat yang diperoleh sekarang hasil perjuangan pemimpin dahulu untuk diri sendiri sahaja.

"Bagaimanapun, dalam menjalankan tanggungjawab kepada negara, warga UUM khususnya tidak boleh melupakan tanggungjawab mereka kepada universiti yang telah banyak memberikan kehidupan kepada semua staf.

"Kita mempunyai tanggungjawab besar untuk pastikan perjuangan 'membersihkan' Sintok dari penjajahan komunis dahulu adalah tidak sia-sia kerana UUM bukan sahaja tempat untuk bekerja tetapi lubuk mencari rezeki halal untuk diri sendiri dan keluarga..UUM bukan tempat biasa, universiti ini memberi kehidupan kepada semua staf," katanya pada Perhimpunan Bulanan dan Pelancaran Sambutan Bulan Kemerdekaan Ke-60 di Dewan Mu'adzam Shah, pagi tadi.

Tambah beliau, dalam menjalankan tanggungjawab mengekalkan kemerdekaan negara, warga UUM juga perlu bersama-sama memastikan universiti ini bermaruah dan dihormati supaya UUM menjadi universiti 'berdiri sama tinggi, duduk sama rendah' dengan universiti terkemuka dunia lain.

Naib Canselor berkata, warga UUM harus mempunyai perancangan rapi untuk membangunkan martabat dan maruah universiti ke persada yang boleh dibanggakan dan dihormati, justeru universiti mewujudkan Pelan Strategik UUM sehingga 2020 bagi mencapai sasaran menjadi Universiti Pengurusan Terkemuka.

Ujarnya, walaupun universiti berada di bawah kategori negara yang sedang membangun, namun kedudukan UUM adalah sangat membanggakan sehingga orang lain tidak lagi memandang rendah pada UUM, cuma universiti perlu mengekalkan prestasi untuk melangkah lebih jauh lagi pada masa hadapan.

Dalam ucapan beliau juga turut menerangkan tentang pencapaian OYAGSB dalam usaha ke arah menjadi *Top Business School* dan juga OYAGSB yang dijangka beroperasi di Kuala Lumpur menjelang tahun hadapan, selain perancangan untuk komersilkan aset UUM bagi tujuan penjana pendapatan.

"Bagi merealisasikan semua perancangan ini, semua warga UUM perlu ada perasaan sayang kepada universiti, bukan hanya kepada negara, jika tidak kita tidak akan mempunyai rasa tanggungjawab untuk mempertahankan negara dan bersama-sama membangunkan universiti ini.

"Saya berharap semua Pusat Tanggungjawab (PTJ) dapat membangunkan 'mind set' dalam melalui transformasi yang akan mengubah landskap atau senario universiti secara total," katanya.

Pada majlis tersebut, Naib Canselor turut menyampaikan medal dan sijil penghargaan Kepada Kontinjen SUKUM dan Kumpulan Inovasi dan Kreatif (KIK) yang mengharumkan nama universiti, baru-baru ini serta melancarkan kenderaan Orang Kelainan Upaya (OKU) universiti.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
☎ 04-928 3048/3049/3052/3061
☎ 04-928 3053
✉ ukkuum@uum.edu.my
f Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.